



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus  
Theologicis, de Religione, & Beneficiis. Adjunctis in hac editione  
Propositionibus ad hanc usque proscriptis

**Antoine, Paul-Gabriel**

**Ingolstadii, 1734**

**VD18 90392140**

Q. 3. Quænam sunt filiæ superbiæ, hoc est vitia quæ à superbia tanquam  
radice oriuntur?

**urn:nbn:de:hbz:466:1-40986**

& ex sui contemptu humilitationes, & quasvis afflictiones tanquam sibi propter peccata debitas, libenter pro Christo suscipere, & sustinere,

3. Meditari superbiæ pœnas, & humilitatis prœmia. 1. Pet. 5. Deus superbis resistit, humilibus autem dat gratiam. & Mat. 23. qui se exaltaverit, humiliabitur; & qui se humiliaverit, exaltabitur. Item, & maximè exempla Christi, qui humiliavit semetipsum factus obediens usque ad mortem Crucis, & opprobriis satiatus est, quemque imitari debemus: frustra enim appellamur Christiani, si imitatores non sumus Christi, qui ideo se viam dixit esse, ut conversatio magistri, ferma esset Discipuli; & illam humilitatem eligeret servus, quam sectatus est Dominus. Ait S. Leo M. Ser. 5. de Nativ.

4. Omnia sua bona, ac opera ad Dei gloriam sapissime actu referre, & crebro exercere actus internos, ac externos humilitatis, atque opera, ac ministeria vilia, & abjecta obire, infimum locum eligere, hospitalia visitare, pauperibus, & ægrotis ministrare, &c.

**Q.** 3. Quænam sunt filiae superbiae, hoc est vitia, quæ à superbia tanquam radice oriuntur?

**Resp.** Tres sunt, scilicet præsumptio, ambitio, & vana gloria.

*Præ-*

*Præsumptio.* h̄c est appetitus inordinatus faciendi aliquid facultatem suam excedens. Mortalis est 1. ratione gravis injuriæ DEI, ut cūm Lucifer dicere præsumpsit: *ascendam, & similis ero altissimo.* 2. Ratione gravis damni proprii, vel alionī, aut periculi talis damni: ut si præsumas exercere sine sufficienti peritia officium Medici, Advocati, Judicis, Confessorii, &c. 3. Cūm usurpatur dignitas, vel potestas, vel officium sacerdotiale, aut Ecclesiasticum: ut si audias confessiones, aut exerceas actum ordinis sine potestate legitima. De præsumptione opposita spei dicetur infra.

*Ambitio.* Est inordinata cupiditas honori, vel dignitatis, aut potentiae. Est autem inordinata. 1. Si appetas honorem, quem non mereris, vel majorem, quam merearis; vel ob rem, qua cares, ut si honorari cupias ob doctrinam, nobilitatem, virtutem, &c. qua cares: item si aspires ad officium, munus, quo es indignus. 2. Si appetas honorem propter se, non illum referendo ad DEI gloriam, vel utilitatem proximi. 3. Si appetas honorem ex re illicita v. g. duello. 4. Si nimio affectu honorem appetas.

Ambitio saepe mortalis est, nempe vel ratione materiae graviter malae, vel damni gravis, quod proximo infertur, vel periculi peccati gravis, vel medii graviter illiciti,

S 5 quo

quod adhibetur, vel finis mortal is, ad quem  
refertur, vel affectus graviter inordinati,  
ut si quis paratus sit peccare mortaliter ad  
honorem, vel dignitatem obtainendam,  
aut tuendam.

*Vana gloria.* Est inordinata cupiditas  
humanæ existimationis, ac laudis. Proprius ejus actus est inordinata manifestatio  
propriæ excellentiæ, sive veræ, sive fictæ.  
Est autem inordinata illa cupiditas, dum  
gloria quæritur ex simulata doctrinæ, peri-  
tiæ, aut virtutis excellentia, vel ex rebus  
mortalis, aut indifferentibus, aut major, quam  
par sit, aut præcisè propter se, non referen-  
do illam ad honorem DEI.

Vana gloria mortal is est eodem modo,  
quo dixi de ambitione, ut si quis velit glo-  
riam, vel laudes admittat de re mortali,  
v. g. fornicatione, vindicta gravi, &c. Si  
in gloria humana ponatur finis ultimus,  
omnia ad illam referendo &c. Sæpe ta-  
men est solum venialis, quia sæpe non gra-  
viter repugnat charitati, nec gravem con-  
tinet inordinationem.

Cæterum debitum honorem, gloriam,  
laudem, favorem hominum, non propter  
se, sed propter honorem DEI, vel bonum  
proximi, acceptare, aut moderatè expete-  
re non est peccatum, sed actus charitatis,  
**ex S. Thom. 2. 2. q. 132. a. 1.** quamvis  
vana gloria sit filia superbiæ, tamen à San-  
cto Thoma post S. Gregorium numeratur  
inter

inter peccata capitalia, eò quòd ex ea septem alia immediatè oriuntur, nimis inobedientia, jactantia, hypocrisis, contentio, pertinacia, discordia, & inventio novitatum.

*Inobedientia*, Formalis scilicet, & specialis est peccatum, quo violatur præceptum Superioris ex contemptu, sive quia præceptum est. Ex communi semper est mortal is, etiam in re minima: quia tunc contemnitur Superior ut Superior, & Minister DEI, ideoque DEUS ipse contemnitur, juxta illud Luc. 10. *qui vos spernit, me spernit.* Et quia tunc quis ita affectus est, ut nullo modo velit obsequi Superiori, quidquid præcipiat.

Violatio autem præcepti non ex contemptu, sed ex alio modo, putà ob delectationem, vel utilitatem, aut difficultatem, est ex S. Thoma inobedientia generalis pertinens ad aliam speciem peccati. Est que mortal is, vel venialis prout præceptum, quod violatur, sub mortali, vel veniali obligat. Atque etiam prout motivum graviter, vel leviter malum est, cùm actus participet malitiam finis utpote per eum voliti.

*Jactantia*, qua quis verbis inordinatè prædicat de se id, quod gloriam, ac laudem apud alios parit, vel falso parere putat, vel gloriatur de peccato. *Quandoque est peccatum veniale, quando scilicet aliquis de*

*de se talia jactat, quæ neque sunt contra DEUM, neque contra proximum.* ait Sanctus Thom. q. 112. a. 2. Est verò mortalis culpa. 1. Siquis de se proferat aliquid contra gloriam DEI, ut illud Ezech. 28. *Elevatum est cor tuum, & dixisti, DEUS ego sum.* 2. Ratione gravis scandali, danni, contumeliæ, vel contemptū proximi. Si sit de actione mortaliter mala: quia includit approbationem actū mali, quæ eandem cum illo speciem habet; & quia sicut laudare opus mortale, v. g. duellum, ita & de illo gloriari est mortale, opponiturque eidem virtuti opus illud vetant: nam quævis virtus non solum obligat ad actum, quem directè præcipit, sed etiam indirectè obligat, & vetat ne ipsa contemnatur, aut irreverenter tractetur: contemnitur autem virtus, cùm quis gloriatur de ejus violatione, vel cùm ejus violatio laudatur in alio. Hinc glorians de peccato aliquo, vel illud laudans: contrahit speciem talis peccati. *Sanchez & alii.*

*Hypocrisis.* Est simulatio virtutis, hoc est, factum, quo quis mentitur se virtutem, seu sanctitatem habere, quam non habet, vel majorem, quam habeat. Unde semper est peccatum saltem veniale, cùm sit mendacium facti. Sed mortale est, si habeat coniunctum, vel contemptum virtutis, vel damnum proximi grave; item si simuletur sanctitas ob finem graviter repugnat.

gnantem charitati DEI, aut proximi, putâ ut falsam doctrinam disseminet, ut decipiat proximum in re gravi, vel ut adipiscatur Beneficium Ecclesiasticum, aut quodvis officium, etiam sacerdotalis, quo indignus est. Si autem absit contemptus virtutis, ac damnum proximi, vel honoris DEI, nec finis intentus repugnet graviter charitati, erit solum veniale. Ita S. Thom. q. 111. a. 4.

*Pertinacia*, est perseverantia in propria sententia contra veritatem cognitam, vel sufficienter propositam. Mortalis est quando illa veritas ad fidem, vel bonos mores, pietatem, pacem, bonum grave proximi pertinet; nam materia gravis est.

*Inventio, seu præsumptio novitatum* est, cùm quis ex inani gloria præsumit nova ex cogitare. Novitatum inventio, vel usus mortalis est, si Fidei, bonis moribus, predicitiæ adversetur, vel pariat scandalum, aut grave damnum proximo. De aliis dicetur in tract. de Charit.

Vanæ gloriæ remedia eadem sunt, quæ superbiæ, quibus adde actus oppositos vi tiis, quæ ab illa oriuntur.

## ARTICULUS II.

### De Avaritia.

Q. 1. **Q**uid est Avaritia, & quale peccatum?

*Resp.*